



Gu Consejo General bhail kam Instituto Electoral y de Participación Ciudadana del Estado de Durango, xi ntidhat na jax mi tu daa guil ka'm artículos 1, 35 fracción II, 41 Base IV primer párrafo, Base V, Apartado A, segundo párrafo; y 116 fracción IV incisos a), b), c), k) y p) bhan gu Constitución Política de los Estados Unidos Mexicanos; 104, numeral 1, inciso e), 357 numeral 2, 361, 367, 370, 425, 427, 428, 429, 430 y 431 bhan gu Ley General de Instituciones y Procedimientos Electorales; 1, 56 fracción I, 63, 66, 69, 138, 139 bhan Constitución Política del Estado Libre y Soberano de Durango; guil Libro Quinto bhan gu Ley de Instituciones y Procedimientos Electorales para el Estado de Durango gio ba' gu Reglamento de Candidaturas por la vía independiente del Estado de Durango (Reglamento), jup duu dhi'ni na bhan:

TUM BAI'Ñ

GU JA'TKAM KORIANKAM NAM AM PUI' ÌLHI'ÑDHA' NAM JUM DASAA' NA JIR KANDIDATUKA' NA DÌLH MU TÌTBIA' MA'N GU DIPUTACIÓN BHAN MAYORÍA RELATIVA YA' KAM KORIAN, NA MUI' JI BHÌYA' GU PROCESO ELECTORAL KORIANKAM 2023-2024, NA XI NHDHAT DHI'ÑI:

NA JAX JA'K

MA'N. - Jano' tuminkuta'm **goo'k bhan gu junio bhan 2024**, pui' tum buada' na tum votaru' nam ba' mi'dhir bar jai'ka' mu Poder Legislativo ya' kam Korian.

GOO'K. - **Na tu' jum aa' na tu bia'ka'.** Gu jaroil na jix a'nda na jum kandidatuka' na dilh mu titbia' nar gø'kam ka' jax chu'm **DIPUTACIÓN BHAN MAYORÍA RELATIVA**, jum a' na tu bia'ka' guil na tu' mi tu daa bhan gu artículo 69 bhan de Constitución local, nam jir dhi'ñi:

- I. Na ya' kam ka' Korian nat gu ya' gii, gio na baik oidha' ya' jup tui'ka' na bar jano'ka' na pai'dhuk tum votaru', piam no' cham ya' gii na ya' ba kioka' sia nar pai' na jix jir Korian na cham jir menas ka' gux chamam oidha' jano' na pai'dhuk ba tum votaru', gio na jir jix bhail kam ka'. Guil nar jix Koriankam ka' dai na mik jup tu kioka', cham jum a'nda' na ya'p tui'ka' Korian guil na jik oidha' ya' damdir tu daxix. Gu Ley, bhan mi tu daaka' guil na tu' jum a'nda' na ba' pui' ja'k jum ilhi'ndha' nar tii jir Koriankam dai na mik ja'k tu kio.

- II. Jix maatit tu jiñkui'ñdha' gio tu u'uanda'.
- III. Na ba biaka' ma'n o'm daman ma'n oidha' jano' na paidhuk ba tum votaru'.
- IV. Na cham jir gɛ'mkam ka' jax chu'm Secretaría piam Subsecretaría, Comisión o Consejería mu jax chu'm órgano da dñh tu' jax buada', Magistratura, Consejería bhail kam Judicatura, Auditoria Superior ya' Koriankam, Presidencia Municipal, Sindicatura piam Regiduría, nar ma'nkam tujuandam mu Federación piam militar na bhan jup tui'dhi'nda', kia'pup no't pui' tu du na tu' jum' na ba' cham mi' ka tu juanda' noventa tañolh jurnia' jano' na pai'dhuk tum votaru'.
- V. Na cham tu' mu jum pionatda' nam pai' jum danda' gu jax chu'm jich gi'kora.
- VI. Na cham kupkat no't tu' jix buam tu duu piam tu dooda jura'n bia'kat.

Gio ba', pui' up jum aa' na tu bia'ka' gui' na tu' mi tu daa bhan gu artículo 7 bhan gu Reglamento, nar jir dhi'ñi:

- VII. I. Na mu daaxixka' bhan gu Registro Federal de Electores gio na bia'ka' gu Credencial na ki'n tu votarda';
- VIII. II. Na cham mu tujuanda' jax chu'm bhan Magistratura, piam jir gɛ'mkam ka' mu Secretaría General de Acuerdos bhail kam Tribunal Electoral del Estado de Durango, Secretaría Ejecutiva piam jax chu'm Dirección piam Unidad Técnica bhail kam Instituto, gio pui' up jax chu'm Presidencia, Secretaría piam Consejería Municipal, kia' pup no't pui' tu du na tu' jum' a' na ba' cham mi' ka tu juanda' gook oidha' jano' na pai'dhuk jum dasa' nar kandidatuka'.
- IX. III. Na cham jir kandidatukat nat tii xi chitbia na jir gɛ'kam ka' nat dai gu jaxchu'm partido político, na chakui baik oidha' jur jano' na pai' dhuk xim dasamka';
- X. IV. Na cham jir gɛ'mkam kat, no' jir propietario kat, suplente, oras pix, jumai bhan mi' bii, na chakui baik oidha' jur jano' na pai' dhuk xim dasamka';
- XI. V. Na cham jir piam cham ji'x kat jir gɛ'kam kat na ji'x jir Meejik, na ji'x jir Korian piam muja'p municipios jax chu'm partido político buiñur, na chakui baik oidha' jur jano' na pai' dhuk xim dasamka'; gio
- XII. VI. Cham bhail na jum daasa' na jir kandidatuka' na dñh mu titbia', gui na jaroi' muja'k jup xim dasamka' bhan gu jax chu'm partido político, nam pai'dhir jum aaga' nam jaroi' jir kandidatuka' nam ba' titbia' nar gɛ'mkam ka'.

BAIK. - U'uan nam jum a'. Gu ja'tkam nam jix a'nda' nar kandidatuka' nam dñh mu titbia' nar gɛ'kam ka' jax chu'm **DIPUTACIÓN BHAN MAYORÍA RELATIVA**, jum a' na tu makia' gu u'uan na bhan pui' jum kai'chdha' gui' nam jaroi' map mu titbia' (propietario gio suplente), xi niidhat am na ma'n nam jax jir chichio'ñ ka' piam u'ub (jia' pup no' gu propietario jir chio'ñ gu suplente jix bhail nar jaroi' ubii ka', na gu' pui' ja'k tu daa bhan gu artículo 9, numeral 3, bhan gu Reglamento de Candidaturas por la Vía Independiente del Estado de Durango) gio na tu makai' dhi'ñi u'uan na ya' jum a'ga.

Gu u'uan na bhan mi' pui' jum kai'dha' tu makia' buiñur gu Secretaría Ejecutiva bhail Instituto Electoral y de Participación Ciudadana del Estado de Durango, xibkam ka', gio na pimarixka' bhan gui' na jaroi'

xim dasam, gioba' gui' na jir suplente ga'n ka', bhan gui na bap duñix na mi'p tui' bhan gu Reglamento de Candidaturas por la vía independiente del Estado de Durango, gio ba' binkam tu makia' gu u'uan na ya' ni jum aga':

- I. Ja'p pi'x copia gu Acta de Nacimiento gui' ga'n na jaroi' pi'k pui' jix a'nda' gio gu suplente ga'n.
- II. U'uan na bhan mi daaka' na ji'k oidha' ya' ba kio na jup duñia' jaxchu'm gɛ'kam gui' na jaroi' pi'k pui' jix a'nda' gio gu suplente ga'n.
- III. U'uan na bhan mi' pui' jum kai'chdha' na jix a' na gui' na tu' bhan jix mati' nar jaroi'dha' na dai' pui' kai'ñkam ka' gui' na jax kai'ñ kam mi tu da dhi' na bhan tum bai'ñ. Dhi u'uan jum a' na tu makia' gui' na jaroi' pi'k pui' jix a'nda' gio gu suplente ga'n.
- IV. U'uan na bhan mi' pui' jum kai'chdha' nar xilhkam dhi'ñi:
 - a. Na cham mu tujuanda' Secretaría piam Subsecretaría, Diputación bhan tu jua'n, Magistratura, Consejería bhai' kam Judicatura, Comisión o Consejería mu jax chu'm órgano da dñh tu' jax buada', piam nor jir gɛ'kam mu presidencia municipal, nar ma'nkam tujuandam mu Federación piam militar na bhan jup tui'dhi'nda', kia' pup no't pui' tu du na tu' jum' a' na ba' cham mi' ka tu juanda' noventa tañolh jurnia' jano' na pai'dhuk tum bhotaru'.
 - b. Na cham tu' mu jum pionatda' nam pai' jum danda' gu jax chu'm jich gi'kora.
 - c. Na cham kupkat no't tu' jix buam tu duu piam tu dooda jura'n bia'kat.
 - d. Na cham kuptkat piam ku'mraru mi' no't buam dooda' gu jaroi' na dai pur nar ubii.
 - e. Na cham jir kandidatukat nat tii xi chitbia na jir gɛ'kam ka' nat dai gu jaxchu'm partido político, na chakui baik oidha' jur jano' na pai' dhuk xim dasamka'.
 - f. Na cham jir gɛ'mkam kat, no' jir propietario kat, suplente, oras pi'x, jumai bhan mi' bii, na chakui baik oidha' jur jano' na pai' dhuk xim dasamka'.
 - g. Na cham jir piam cham ji'x kat jir gɛ'kam kat na ji'x jir Meejik, na ji'x jir Korian piam muja'p municipios jax chu'm partido político buiñur, na chakui baik oidha' jur jano' na pai' dhuk xim dasamka'.
 - h. Cham ji'x kat jum da'nsa bhan gu jax chu'm partido político, nam pai' dhir jum a aga' nam jaroi' jir kandidatuka' nam ba' titbia' nar gɛ'mkam ka'.
 - i. Cham da'ngida' gu tumiñ na cham mati' na pai' dhir jim na tu' ki'n jax dhuñia campaña gio na pai' dhuk tu gaagidha' nam palhbuidha' na ba' bam daasa'.

Dhi u'uan jum a' na tu makia' gui' na jaroi' pi'k pui' jix a'nda' gio gu suplente ga'n.

- V. Gui' na pi'k jir dhi' piam copia na pui'p tu'mka' gu Acta Constitutiva ga'n gu Asociación Civil nat bhan jup jum du, nam sia baik gu ja'tkam gio na mi a'nda na jaroi'dha' gui' nar kandidatuka' na dñh mu titbia', gui' na jaroi' tu a'mkam ñiokda' gio ba' gu ma'nkam na nuukanda' na tu' ki'n jax jum buim gu tumiñ gui' ga'n candidatura, dhi' pui' ja'k jup jum ilhi'ñdha' jap partido político, gio **na jax kai'ñkam ka' dai na bhan participar' dhi' ka'm proceso electoral koriankam 2023-2024 jax chu'm diputación ya' kam korian, gui' na jir kandidatuka' na dñh mu titbia'**; jup duñixka' na cham baik masa'n jurundha' jano' na pai'dhuk tum makia' gui' na bhan tum agi'ñdha' na xim dasam;
- VI. Gu estatutos ga'n gu acta constitutiva nat bhan jup jum du gu asociación civil, jam a' na jir puchumka' gui' na pukai'ñkam, na ya' jim dhi' na bhan tum bai'ñ;

- VII. VII. Gu u'uan na mi tu daa nat jum dai bhan gu Sistema Nacional de Registro de Precandidatos, Candidatos, Aspirantes y Candidatos Independientes gui ga'n Instituto Nacional Electoral;
- VIII. VIII. Ja'p pix copia gu u'uan na mi tu daa gu Situación Fiscal na tu mak gu Servicio de Administración Tributaria, na bhan jix mati' na ba daxix bhan gu Registro Federal de Contribuyentes gui' Asociación Civil;
- IX. IX. Ja'p pix copia gui' na bhan jix mati' na ba bia' gu cuenta bancaria bhan gui' Asociación Civil, na pai' ja makia' gu tuñim na gobierna dir jim gio gui' nam dilh gaaga', na mi tu daa nar jaxchu'm gu cuenta bancaria;
- X. X. Ja'p pix copia na jix bhai' jix maxka' bixxik dir gu credencial na bhan tu votar gui' ga'n ma'nkam nar kandidatuka' na dilh jix chitbim, ja'p na gu suplente ga'n, gui' na jaroi' ja a'mkam ñiokda' gioba' gu ma'nkam na nuukanda' na tu' ki'n jax jum buim gu tumiñ;
- XI. XI. U'uan na mi' bhan pui'm kai'chdha' nar am na bix gui' nam ma'kda' gu tumiñ gio na tu' ki'n jax buada' na mi' dhir buanda' bhan gu cuenta bancaria jix bhai' na niniñ'ñdha', sia nar pai'dhuk, gu Instituto Nacional Electoral; gio
- XII. XII. Gu emblema u'uan ta'm jup ñixkam gio ba' bhan gu USB, na mi a'gada' na jax chu'm colores gio pantones na bhan jix mati' ka' gu ma'nkam nax tibim, na ja'p ni tu'm ka':
 - a. Resolución: Alta (300 puntos por pulgada)
 - b. Na jax chu'm archivo: PNG.
 - c. Na cham io'm gæ' ka' gu pixeles: 1000
 - d. Nar ji'x jix bitka' gu archivo: Cham io'm gæ' ke gu 5 megabytes.

MAKOB. Pai'dhuk gio na pai' tum makia' gui' na pui' jum kai'chdha' na xim dasam. Na pai'dhuk tum makia' jir jano' dir ka' gok bhan octubre gio jano' jugit xim baik bhan diciembre bhan 2023, mi'dhir gui' ka'm correo electrónico independientes@iepcdurango.mx. Gu u'uan mu tum jotsa' jum a' nam jir PDF ka' gio color.

JIX CHAMAM. Na pai'dhuk ba tum a'nda na jaroi' jix bhai' na jum dasa'. Na cham busnia' gu tanolh manbix daman jix chamam bhan gu diciembre 2023, gu Consejo General pui' ba ti'ya' na jaroi' bix tu mamit gu u'uan.

No' pui' ji bus nar am na mit tu' tu maa, ja makia' am gu u'aun na mi' pui' jum kai'dha' gui' na jaroi' pui' jix aa'. Nam pai' dhuk dir ja makia', gu ubii piam chio'ñ na pui' ilhi'ñdha' pui' bax mati' ka' na jix a' nar kandidatuka' na dilh mu titbia'.

Gu' u'uan na bhan pui' jum kai'chdha' jum na na tum makia' jano' na cham busni'a gu tañolh **gok o'm damam xum makob bhan gu diciembre bhan 2023**, gu ja'tkam na mit bix chu ma gui' na tu' jum a'ndat. Nam jax ja'k ja agi'ñdha' jir bhan ka' gu correo electrónico nam mi daxikka' bhan gu u'uanis na mit tu maa nam pai' bhan pui' kai'ch nnam jix a' nam ja daasa'.

Gu ja'tkam nam jix chitbikka' jum a' nam niniñ'ñdha' gu ja correo electrónico no't mi' ba ai gu u'uan gio jum a' nam pui' ti'ya' na mit ba ti na cham busnia' 24 horas, no mit cham mu tu aga, pi jum ilhiñdha' na mu ja ai.

XUM MA'N. Na tu ga'ga nam ja palhbuidha'. Jano' dir ma'n o'm daman mambix tañolh bhan diciembre 2023 gio jano' jugit ma'n o'm daman xum baik bhan enero 2024, gu ja'tkam nam pui' ilhiñdha' jix bhail' nam nai' ji jimia' nam tu gaaga' nam ja palhbuidha', cham bhail' na bhan gu radio piam gu televisión.

Na jik jum a'nda'. Gu ja'tkam nam pui' jum a'nda' nar kandidatuka' na dilh mu titbia' bhan ma'n gu diputación bhan mayoría relativa jum a' na ja aichdha' sia, nam ja primarxidha' nar jik ka' gu 1% gui' nam mi dha bhan gu lista nominal gui' nam tu votar, nar jir mi' kam ka' na pai' gu distrito electoral, gio gui' nam tu votar tieneke nar jir irbanka' gu secciones electorales nam mi' jai'chka', sia mo, gu 0.5% gu ja'tkam nam mi' dhaka' bhan gu lista nominal nam tu votar, dhi' nam jik jai'ch na tu' ya' jum a'ga jix bhail' nam tigia' bhan gu página electrónica ga'n gu Instituto Electoral y de Participación Ciudadana del Estado de Durango, bhaan na pai' pui' jum kai'ch Candidatos Independientes.

DISTRITO	CABECERA DISTRITAL	1% DE LA LISTA NOMINAL
I	VICTORIA DE DURANGO	823
II	VICTORIA DE DURANGO	819
III	VICTORIA DE DURANGO	738
IV	VICTORIA DE DURANGO	849
V	VICTORIA DE DURANGO	987
VI	VICTORIA DE DURANGO	854
VII	SANTIAGO PAPASQUIARO	1,023
VIII	GUADALUPE VICTORIA	1,106
IX	MAPIMÍ	1,029
X	GÓMEZ PALACIO	702
XI	GÓMEZ PALACIO	1,028
XII	GÓMEZ PALACIO	975
XIII	LERDO	959
XIV	CUENCAMÉ DE CENICEROS	983
XV	EL SALTO, PUEBLO NUEVO	761

Na jax ja'k. Gui' nam nai' tu gaaga' na jaroi' ja palhbuidha' pui' tu duñia' am bhan gu Aplicación Tecnológica na tu taiñbuidha' gu Instituto Nacional Electoral nar pu kai'ñkam, pui' na jax mi tu da na pai' gu Capítulo IV bhan Título Cuarto bhan gu Reglamento de Candidaturas por la vía independiente del Estado de Durango.

Na pia cham jum a'. Na pai' cham jum a'nda', pui' na jax ja'k mi tu da bhan gu Reglamento de Candidaturas por la vía independiente del Estado de Durango, artículo 17, numeral 2, fracción IX, bhan pui' tum duñia' bhan gu cédula de respaldo na jup duñixka' pukai'ñkam gio jum a' na mi daaka' na jax chi', firmarixkam, gio gu clave de elector ga'n gu credencial na bhan tu votar na mi jimda' gu fotoga'n gio na tu jix bhail'ka' bix gui' nam jaroi' palhbuidha', gio mi' xijimda' gu copia ga'n gu credencial na bhan tu votar. Dhi, pui' ja'k jix bhail' na tum duñia' muja'p municipios Bodamtam gio Tamazula.

No' gui' nam jix chitbim nax a' am nam pui' tu duñia' gu cédula na bhan dasa' am gui' nam jaroi' ja palhbuidha' gio nam pai'dhuk bix pui' na tu duñia' na tu' jum a', gu Instituto Electoral y de Participación

Ciudadana del Estado de Durango tañia' gu Instituto Nacional Electoral, na ja gaaga' no' ja'kbui' ja aich gui' na ji'k jum a' nam palhbuidha' gu ja'tkam, na xi niidhat na gu ja'tkam mi' daxixka' am bhan gu lista nominal del electorado.

XUM GOOK. Nam ji' ja makia' gu tumiñ gio na ji'k jir am nam gastaru'. Gui' nam paidhuk nai' ji jimia' na tu gaalga' nam jaroil ja palhbuidha' gu ja'tkam, gu tumiñ am dilh gaga' dai na tieneke nax mati' ka' na mit paidhir bosolh gio na ja'k bui' pix gastaru' am na ji'k tu daxix ka' bhan gui' na' duñia' gu Consejo General, na ya' ni bipi' tu da:

DISTRITO	CABECERA DISTRITAL	TOPE DE APOYO
I	VICTORIA DE DURANGO	\$ 355,520.39
II	VICTORIA DE DURANGO	\$ 355,520.39
III	VICTORIA DE DURANGO	\$ 355,520.39
IV	VICTORIA DE DURANGO	\$ 355,520.39
V	VICTORIA DE DURANGO	\$ 355,520.39
VI	VICTORIA DE DURANGO	\$ 355,520.39
VII	SANTIAGO PAPASQUIARO	\$ 425,547.30
VIII	GUADALUPE VICTORIA	\$ 470,496.39
IX	MAPIMÍ	\$ 603,758.46
X	GÓMEZ PALACIO	\$ 377,548.26
XI	GÓMEZ PALACIO	\$ 377,548.26
XII	GÓMEZ PALACIO	\$ 377,548.26
XIII	LERDO	\$ 240,031.75
XIV	CUENCAMÉ DE CENICEROS	\$ 420,041.05
XV	EL SALTO	\$ 308,014.62

Gu ja'tkam m tu ga'nga nam ja palhbuidha' no mit más mui' gastaru gu tumiñ na tii ji'k tu daaxix gu ja kasti' ka' nam cham k aja dasa' na jir kandidatuka' na dilh mu titbia'; no' mit tii ba daasak, gio ja'k jup dasa' am.

XUM BAIK. Na tim tigia' gui' na mit ji'k palhbui. Nam jix bhail ja tigia' gui' na mit ji'k palhbui na jax mi tu da bhan gu XUM MA'N jir bix ka' (100% nat ji'k ja aich), **jano' dir ma'n o'm daman xum makob bhan enero gio jano' jugit ma'n o'm daman xum gok bhan febrero bhan 2024.**

XUM MAKOB.- Na tu a'mka' ñiok na jum dasa' na ba' kandidatuka' na dilh mu titbia'. Cham busnia' jano' ma'n o'm daman baik bhan febrero bhan 2024, gu Consejo General jup duñia' gui' na bhan pui' ti'ya' nam jaroil jix hbail nam jum daasa' nam ba' kandidatuska' nam dilh mu titbia'.

MAM BIX.- Tum dasa' gu candidaturas. Na pai'dhuk ja dasa' am gui kandidate nam dilh mu titbia' nar gæ'kam ka' jax chu'm Diputación bhan Mayoría Relativa muja'p pui' tum duñia' na pai' gu Consejos Municipales de distrito nar am ka', dir ma'n o'm damam gok jano' jugit ma'n o'm daman xum makob bhan gu marzo bhan 2024.

Gu ja'tkam nam xim dasam ka' nar kandidatuka' na di'lh mu titbia' nar gɛ'kam ka' jax chu'm Diputación bhan Mayoría Relativa jum a' na':

- I. Tu makia' gu u'uan, na mi tu daaka':
 - a) Na jax jum da'nsa, na jax chí', gio firma ga'n piam, pui' up, mi mamxidha' gu de'nga'n gui' na jaroi' tu tan;
 - b) Na pai' gio pai'duk gii gu ma'nkam na tu tan;
 - c) Na pai' kio gui' na tu tan gio na jí'k tanolh mi ba daa;
 - d) Na tu' ka'm jum pionat gui' na tu tan;
 - e) Gu clave ga'n gu credencial na bhan tu votar gu ma'nkam na tu tan;
 - f) Na jaxchu'm gɛ'mkam jix chí'tbim gui' na jaroi' tu tan;
 - g) Na jax chu'm entidad, distrito electoral piam municipio jix chí'tbim;
 - h) Na daasa' gui' na jaroi' a'mkam ñiokda' gio na pai' jix a'n nam ai'chu'nda' gu tu' nam jix a'ñdham ka';
 - i) Na daasa' gu ma'nkam na nuuka'nda' gu tumiñ gio na tu agi'ñdha' na pai' duk jum a'nda'; gio
 - j) Na bhan pui' kai'chdha' nar jaxchu'm na pui' jum titi' grupos en situación de vulnerabilidad, no pui' ja'k tu'í'.

II. Gui' na bhan tu tanda' nam dasa' jum a' na binkam dhi'ñi u'uanis tu makia':

1. Na bhan mi' pui' jum kai'chdha' gu **formato 4** na dhi'ñi mi tu a'gada':
 - a) Na cham mu tujuanda' Secretaría piam Subsecretaría, Diputación bhan tu juan, Magistratura, Consejería bhai' kam Judicatura, Comisión o Consejería mu jax chu'm órgano da di'lh tu' jax buada', piam nor jir gɛ'kam mu presidencia municipal, nar ma'nkam tujuandam mu Federación piam militar na bhan jup tui'dhi'nda', kia' pup no't pui' tu du na tu' jum' a' na ba' cham mi' ka tu juanda' noventa tañolh jurnia' jano' na pai'dhuk tum votaru';
 - b) Na cham tu' mu jum pionatda' nam pai' jum danda' gu jax chu'm jich gi'kora.
 - c) Na cham kupkat no't tu' jix buam tu duu piam tu dooda jura'n bia'kat.
 - d) Na cham kuptkat piam ku'mraru mit no't buam dooda' gu jaroi' na dai pur nar ubii.
 - e) Na cham jir kandidatukat nat tii xi chí'tbia na jir gɛ'kam ka' nat dai gu jaxchu'm partido político, na chakui baik oidha' jur jano' na pai' dhuk xim dasamka'.
 - f) Na cham jir gɛ'mkam kat, no' jir propietario kat, suplente, oras pix, jumai bhan mi' bii, na chakui baik oidha' jur jano' na pai' dhuk xim dasamka'.
 - g) Na cham jir piam cham jí'x kat jir gɛ'kam kat na jí'x jir Meejik, na jí'x jir Korian piam muja'p municipios jax chu'm partido político buiñur, na chakui baik oidha' jur jano' na pai' dhuk xim dasamka'.
 - h) Cham jí'x kat jum da'nsa bhan gu jax chu'm partido político, nam pai' dhir jum a aga' nam jaroi' jir kandidatuka' nam ba' titbia' nar gɛ'mkam ka'.
 - i) Cham da'ngida' gu tumiñ na cham mati' na pai' dhir jim na tu' ki'n jax dhuña campaña gio na pai' dhuk tu gaagidha' nam palhbuidha' na ba' bam daasa'.

Dhi u'uan jum a' na tu makia' gui' na jaroi' pi'k pui' jix a'nda' gio gu suplente ga'n.

2. Ja'p pix copia gu Acta de Nacimiento gui' ga'n na jaroi' pi'k pui' jix a'nda' gio gu suplente ga'n.

3. Ja'p pix copia na jix bhail' jix maxka' bixxik dir gu credencial na bhan tu votar gui' ga'n ma'nkam nar kandidatuka' na dilh jix chitbim, ja'p na gu suplente ga'n, gui' na jaroil' ja a'mkam ñiokda' gioba' gu ma'nkam na nuukanda' na tu' ki'n jax jum buim gu tumiñ;
4. Gu plataforma electoral na mi tu daaka' na tu' jax jix dhuñim gui' na jaroil' jir kandidatuka' na dilh jix chitbim na bhan pui' tu a'ñdhidha' na ji'x jir campaña electoral;
5. Gui' na tu' bhan jix mati'ka' gu cuenta bancaria na mit' jup du nam bhan bia'ka' gu tumiñ gui'ga'n nar kandidatuka' na dilh mu titbia', pui' ja'k na jax mi tu da bhan gu Ley Local gio gu Reglamento de Candidaturas por la vía independiente del Estado de Durango;
6. Gu u'uan na mi tu daa nat jum dai bhan gu Sistema Nacional de Registro de Precandidatos, Candidatos, Aspirantes y Candidatos Independientes gui' ga'n Instituto Nacional Electoral (SNR);
7. Gui' na bhan mi tu daa nat ji'k gastaru gio nat ji'k jumpai gu tumiñ na pai' dhuk nail' tu gaaga nam jaroil' palhuidha' gu ja'tkam (nam makia' gu SNR);
8. Gu emblema na jix a' na bhan jix mati' ka' na pai'dhuk jir campaña ka' u'uan ta'm jup ñixkam gio ba' bhan gu USB, na gu color piam colores cham jir puchu'mka' na gui' ga'n partidos políticos piam jai' nam pui'p jir kandidatuska' nam dilh titbia', jum a' na pui' tu'mka' gio nar ja'xbuil'ka' na jax mi chu daa bhan gu Reglamento de Elecciones del Instituto Nacional Electoral, nam jir dhi'ñi:
 - a) Resolución Alta (300 puntos por pulgada)
 - b) Nar jax chu'm archivo: PNG.
 - c) Nar ji'x ka' gu imagen: io'm gø' ke gu 1000 pixeles.
 - d) Nar ji'x jix bitka' gu archivo: Cham io'm gø' ke gu 5 megabytes.
9. Gu **formato 5** na bhan mi' pui' kai'chdha' nar am na bix gui' nam ma'kda' gu tumiñ gio na tu' ki'n jax buada' na mi' dhir buanda' bhan gu cuenta bancaria jix bhail' na nini'ñidha', sia nar pai'dhuk, gu Instituto Nacional Electoral;
10. Gu **formato 6** pui' kai'ñkam gu baik bhan baik na mi a'ga na cham tu' jax chu duu ja bui gu u'ub.
11. U'uan na bhan mi daaka' na ji'k oidha' ya' ba kio na jup duñia' jaxchu'm gø'kam gui' na jaroil' pi'k pui' jix a'nda' gio gu suplente ga'n.
12. U'uan na bhan mi' pui' jum kai'chdha' na jix a' na gui' na tu' bhan jix mati' nar jaroil'dha' na dai' pui' kai'ñkam ka' gui' na jax kai'ñ kam mi tu da dhi' na bhan tum bai'ñ.
13. Gu u'uan na bhan mi tu daaka' na jax ja'k duñia' na ba' gio tu'x bhail'ka' gu propaganda nat bhan nail' jum mattuda na paidhuk jir campaña, pui' na jax mi tu daa bhan gu artículo 166 gui'ka'm Ley Local;

Fotografía. Gu ja'tkam nam pui' ilhi'ñidha' nam jir kandidatuka' nam dilh mu titbia' nar gø'mkam ka' jax chu'm Diputación bhan Mayoría relativa (**dai gui' nam jir propietarias**) jix bhail' nam pui' ti'ya' na bhan gu boleta electoral mi jim da' gu fotografía ga'n, dai na jum a'nda' binkam gu jai' u'uan mi jimda' gio na ja'p ni tu'mka' na jax ya'ni jum a'ga:

Na jax ja'k	Digital
--------------------	---------

Resolución	(300 dpi)
Proporción	1:1 (cuadrada)
Na jax chu'm ka'	Fotografía ma'n na mis maxka' gu buibsa'n gu ma'nkam na jir kandidatuka'
	Xibkam
	A color
	Con fondo jix chua
	Cham mix maxka' gu tu' na ja'p ja'k tu'mka' na gu emblemas gio na am jum a'gada' partido paim campaña

Nam jax chiti'. Gu ja'tkam nam pui' jum a'nda' nam jir kandidatuka' nam dilh mu titbia' nar gɛ'mkam ka' jax chu'm Diputación bhan Mayoría relativa propietaria gio suplente jix bhai' nam pui' ti'ya' nam jix a' na mi dasa' bhan gu boleta electoral gui' nam jax ja'k titi'nda' bix gu ja'tkam, dhi' jum a' na agi'ndha' gu Instituto bha gu **formato 3**, jix bhai' mi xi tu a'nda' na jax ja'k titi', nam jax ja'k jim maat.

Cham jix kat, nam jax ja'k titi' piam nam jax ja'k jim maat, jix bhai' na makam duña', gui' na jax pik ti' piam na jax jum da'nsa gui' na jaroi' jir kandidatuka', pui' na ba' jum a' na mi' ja'k daaka' bipi'dir gui' na pai' jax pik ti' gui' nam pui' ja'k jix a'.

Na pai'dhuk pui' ti'ya' nax a' nam mi' dasa' nam nam jax ja'k titi' bhan gu boleta electoral, jix bhai' ka' nam pui' duña' no' jir am gio na cham bhan tu bai'ndha' nam palhbuidha', nam cham makam pix jum kai'chdha', gio na cham buam ja buada gui' nam pui' jum titi' principios na bhan tu da' gu materia electoral.

Jum dasa' am bhan gu Red Nacional de Candidatas. Gu u'ub nam jir kandidataska' nam jix a' nar jir gɛ'kam ka', jix bhai' ka' nam tu makia' gu u'aun na pui'm kai'chdha' nam jix a' nam mi' jup tui'ka' bhan gu Red Nacional de Candidatas nam jix a' nar jir gɛ'kam ka' ya' Korian, na ba' bhan tum nuuka'nda' nam cham tu' buan da buada' dai pur nam jir u'ub ka' bhan gu Proceso Electoral Koriankam 2023-2024.

Sistema Candidatas y Candidatos, Conóceles. Gu ja'tkam nar jir kandidatuska' propietarias gio suplentes, jum a' nam mi tu dasa nam tu' ja tikka'nda' bhan gu sistema "Candidatas y Candidatos", nap jum duña' na pui' kai'rikam na tum mattuda' gio ba' nam bhan cham xijaika' nam machi'a nar jir jaroi'dha' no ba' nam paidhuk tu votaru' jix bhai jix matit.

Na tim tigia' gui' nam bhan tu tan nam ja dasa'. Gu Consejos Municipales Electorales cabecera de distrito na pai' jir amka', jix bhai ja tigia' am na gui' nam jix chitbik ka' nam jir gɛ'kam bhan gu diputación jir gook u'ub ka' am, dai no' gu propietario jir chio'ñ jir propietario jir am na gu suplente jir ubi ka', na dhi' pui' ja'k tu da bhan gu artículo 9, numeral 3 del Reglamento de Candidaturas por la Vía Independiente del Estado de Durango.

Cham bhai' ka' nam ja dasa' gui' na jaro'i' tii jix a'nda no cham bix tu ma gui' na tu' jum a'nda' nam mim a'ga bhan gu Constitución Local, la Ley Local, el Reglamento y esta Convocatoria.

Na paidhuk mim aichdha' gui' na bhan tum tanda' nam dasa' nar kandidatuka' na dilh titbia' buiñur gu Secretaría del Consejo Municipal Electoral cabecera de distrito na pai' jir amka', jix bhai' tigia' na cham jurnia' baik tanolh na pai'dhuk mim aichdha', no' bix chum ma na tu' jum a'nda' bhan gu normatividad na pui' kai'ñkam gio na tu' ya tu da dhi'ñi na bhan tum bai'ñ.

No na mit ba ti pui' ilhi'ñ am na cham tu ma gu tu' na jum a'ndat, agiñdha' am gui' na jaro'i' tii tu tan nam dasa' piam gui' na jaro'i' a'mkam ñiok, naba' na cham jurnia' 48 horas gio mui'p tu makia' nat tu' paltaru.

No' mit cham tu ma gui' na mit tu' gio bhai' tii ta, na pai'dhuk tii tu agi'ñ am piam no't mui' ba bus nat pai'dhuk tii tu ma, cham tu' ka recibiru' am.

Cham bhai' nam ja daasa'. Ni jaro'i' gu ma'nkam jix bhai' nam daasa' nar kandidatuka' na dilh chitbia' para mui'kap nar g'kam ka' g'kam ma'n proceso electoral bhan. No't pui' tum dum, na ba da nar kandidatuka' Diputado local pui' ba tu tu' i', pui' tu duñia' am na tu' jum a'nda' na ba' cham mi' ka daa ka'.

Gu ja'tkam na jir kandidatuska na dilh chitbia' nam ba daxix ka' cham bhai' ka' na muja'k jum dasa' up ja'p na candidatos buiñir gu jaxchu'm partido político, caolición piam candidatura común, gu ma'n proceso electoral.

MAMBtX DAMAN MA'N. Sesión especial na pai' dhuk tum daasa' gui' nam jir kandidatuska'. Gu Consejo Municipal Electoral cabecera de distrito nar pai' ka', tu a'ga' am jano' nar makob ka' bhan gu masa'n abril bhan 2024, na ba' gui' ka'm Acuerdo, tu dasa' am na jax ja'k jir amka' bhan bix gui' na mit tu maa nam jix a' nam jir kandidatuska' nam dilh chitbia'.

MAMBtX DAMAN GOOK. Gui' nam kandidatuka' nam dilh mu titbia' nam pai'dhuk ja daasa', cham ka bhai'ka' nam jai' mi' ba ja darsa' nip pai'dhuk na ji'x jir Proceso Electoral.

MAMBtX DAMAN BAIK. Na tu' ja a'mkam ñiok gio nam tu ja makia'. Gui' na tu' ja a'mkam ñiok nam ja makia' gui' nam jir kandidatuska' nam dilh mu titbia' nam ba daxixka', pui' ja'k tu tui'ka' na jax mi tu da bhan gu leyes na pu kai'ñkam gio gu Reglamento de Candidaturas por la vía independiente del Estado de Durango.

MAMBtX DAMAN MAKOB. Na jax jum bouda' gui' nam bhan jix mati'. Gu Instituto Electoral y de Participación Ciudadana del Estado de Durango, na bhai' jup tui' calle Litio s/n., de la Colonia Cd. Industrial, de la ciudad Korian, Korian, gio código postal 34208, a'm jup tui'ka' na tu nuuka'nda' gui' na bhan jix mati' nam jir jaro'i'dha' gui' nam jum dasa' nar kandidatuska' nam dilh titbia' bhai' na pai' jir Instituto, dhi' nukdhiska' ampui ja'k na jax tu da bhan gu Ley de Protección de Datos Personales en Posesión de Sujetos Obligados en el Estado de Durango, y jai' up nam jir pukai'ñkam. Gio tum mattu'n

nam tu makia' muja'k gui' nam bhan jix mati' nam jir jaroi'dha' muja'k na pai' gu Instituto Nacional Electotal gioba' jabui gu órganos jurisdiccionales Koriakam gio inter Meejik. Cham tu' ja'p up tum makia', kia' pup no bha tu tan gu jaroi' gæ'kam nax bhai' na pui' ja'k tu buada', gio na jix bhai' xi chu agit na jax kai'ñkam. Ap jix bhai' nap tigia' na jax ja'k tu nuuka'nda' bhai' na pai' gu portal ga'n gu Instituto Electoral y de Participación Ciudadana del Estado de Durango, dhi'ñi ka'm enlace: https://www.iepcdurango.mx/IEPC_DURANGO/informes/documentos/avisos_2023/S_TECNICA/AVISO_DE_PRIVACIDAD_DE_%20REGISTRO_DE_CANDIDATURAS_INDEPENDIENTES.pdf

MAMBĪX DAMAN JIX CHAMAM. - Na tu' bhan tum au'na. Bix gui' na tu' jum a' na bhan tum au'na', gio ba' gui' na dai jaxchu'm ka' gu Estatutos ga'n gu Asociación Civil na mi' jum a'ga bhan dhi'ñi na bhan tum bai'ñ, jix bhai' nap bhai' ja tigia' bhan gu página electrónica ga'n dhi'ñi Instituto Electoral y de Participación Ciudadana del Estado de Durango www.iepcdurango.mx bhai' na pai' pui' jum kai'chdha' gu kandidatuska' nam diih mu titbia'.

MAMBĪX DAMAN XUM MA'N. - Na tu' cham ya' a'ga. Gui' na tu' cham ya' am' a'ga no' jum a' bhan dhi' na tum bai'ñ, pui' tu duñia' gu Consejo General del Instituto Electoral y de Participación Ciudadana del Estado de Durango.

No'p tu' pup jix chu machim piam no'p cham matit kə' gui' na tu' ya tu daa dhi' na bhan tum bai'ñ, mui' xi tu a'ga' bhan gu teléfono. (618) 825-25-33.

Korian, Korian, jano' 26 bhan gu septiembre bhan 2023.



<https://www.facebook.com/InstitutoElectoralDurangoIEPC>



<https://twitter.com/IEPCdgo>